

Siunnersuut uunga: Imeruersaatit qiimmassaatinik akullit (energidrik) inunnut 18-it inorlugit ukiulinnut tuniniarnissaannik sassaalliutiginissaannillu inerteqquteqarneq, kiisalu imeruersaatit qiimmassaatinik akullit allagartalersorneqartarneri ussassaarutigineqartarnerilu pillugit Inatsisartut inatsisaat nr. xx, xx. xxxxx 2012-imeersoq

Nassuiaanerit

§ 1. Inatsimmi matumani imeruersaatit qiimmassaatinik akullit paasineqassapput inerteqqarsinnaasut suulluunniit kaffip eqeernartuanik akusat, kaffillu eqeernartua literimut 150 mg sinnerlugit annertussuseqarpat.

Atuuffia

§ 2. Imeruersaatinik qiimmassaatinik akulinnik inunnut 18-it inorlugit ukiulinnut nioqquteqarneq sassaallernerlu inerteqqutaapput.

Imm. 2. Imeruersaatinik qiimmassaatinik akulinnik automatitigut nioqquteqarneq sassaallernerlu inerteqqutaapput.

Imm. 3. Niuertarfinni, neriniartarfinni, kiisalu imeruersaatinik qiimmassaatinik akulinnik nioqquteqartuni sassaallertarfilinnilu isersimasunit takussaasumut imm. 1-imi inerteqqut pillugu kalaallisut qallunaatullu allagartaliisoqassaaq.

Imm. 4. Suliffeqarfimmik piginnittup, imeruersaatinik qiimmassaatinik akulinnik nioqquteqartup imaluunniit sassaalliisup inuup 18-inik ukioqalereersimanerani uppersaamik pissarsinissaq akisussaaffigaa.

Imm. 5. Nakkutilliinermut malittarisassat Naalakkersuisut aalajangersartassavaat.

Nalunaaqutsersuineq

§ 3. Imeruersaatit qiimmassaatinik akullit tamarmik kaffip eqeernartuanik qanoq akoqartiginerinik mianersoqqussutitalerlugit ersarissumik allagartalerneqarsimassapput, kiisalu annertuallaamik inerteqqarsimagaangata meeqqanut, inersimasunut naartusunullu ajoqutaasinnaasut allassimasassaaq. Mianersoqqussut kalaallisut qallunaatullu allassimassaaq.

Imm. 2. Mianersoqqussutip imarisai isikkualu pillugit malittarisassat Naalakkersuisut aalajangersarsinnaavaat.

Ussassaarineq

§ 4. Imeruersaatinik qiimmassaatinik akulinnik ussassaarineq, allagartaliineq allatigulluunniit pilerisaarineq inerteqqutaapput.

Imm. 2. Imeruersaatinik qiimmassaatinik akulinnik qanorluunniit ussassaarinerit inerteqqutaanerit meqqit, saqqarmiuusat emblemmit, ilisarnaatit symbolit imaluunniit ilisarnarsaatit allat atorlugit avaqqunniarneqassanngilaq.

Imm. 3. Aviisit nunanit allaneersut, atuagassiat, quppersakkat, tusagassiiffiillu assiliartallit imm. 1-imi inerteqqummut ilaatinneqanngillat.

Pineqaatissiinerit

§ 5. § 2, imm. 1- 4-mi, § 3, imm. 1-imi aamma § 4, imm. 1-imi aamma 2-mi aalajangersak-
kat unioqqutinneqarpata pinerluttulerinermi inatsisit naapertorlugit akiliisitsisoqarsinnaavoq.

Imm. 2. Inatsisartut inatsisaat imaluunniit malittarisassat Inatsisartut inatsisaat akiliisitsiner-
mik kinguneqartitsisinnaasut malillugit pinerluttulerinermi inatsisit naapertorlugit inatsisitigut
pisinnaatitaasut pisussaataasullu akiliisinneqarsinnaapput, Kalaallit Nunaanni pinerluttuleri-
nermut inatsimmi malittarisassat naapertorlugit.

Imm. 3. Pillaammik akiliisitsissutit Nunatta karsianut nakkartinneqartassapput.

Atortuulersitsineq il.il.

§ 6. Inatsit manna 1. august 2012 aallarnerfigalugu atortuulerpoq.

Namminersorlutik Oqartussat, ulloq xx. xxxxxx 2012

Kuupik Kleist